



**Gradonačelnik**

Ul. Varoških polja b.b., tel/fax: 035/369-162, e-mail: [opc.sreb@bih.net.ba](mailto:opc.sreb@bih.net.ba), web: [www.srebrenik.ba](http://www.srebrenik.ba)

Broj: 07-2020/23

Datum: 10.07.2023.godine

Gradonačelnik na osnovu člana 69. stav 1. tačka b) i člana 70. Zakona o javnim nabavkama ("Službeni glasnik BiH", broj: 39/14 i 59/22), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/09), a na preporuku Komisije za javnu nabavku po zapisniku broj: 07-2020/23 od 10.07.2023. godine za *nabavku izvođenja interventnih radova na rekonstrukciji vodovodne i kanalizacione mreže za 2023. godinu*, donio je:

**O D L U K U**  
**O PONIŠTENJU POSTUPKA**

**I**

Poništava se postupak za javnu nabavku **izvođenja interventnih radova na rekonstrukciji vodovodne i kanalizacione mreže za 2023. godinu**, pokrenut po Otvorenom postupku broj: 07-2020/23 od 15.06.2023. godine, objavljenom na portalu javnih nabavki, Obavještenje o nabavci broj: 761-1-3-18-3-27/23 od 15.06.2023. godine i u „Službenom glasniku BiH“ broj: 45/23 od 23.06.2023. godine iz razloga što je primljena ponuda neprihvatljiva.

**II**

Ova odluka objavit će se na web-stranici [www.srebrenik.ba](http://www.srebrenik.ba), u skladu sa članom 70. stav 6. Zakona o javnim nabavkama.

**O B R A Z L O Ž E N J E**

Postupak za javnu nabavku *nabavku izvođenja interventnih radova na rekonstrukciji vodovodne i kanalizacione mreže za 2023. godinu*, putem otvorenog postupka, pokrenut je Odlukom Gradonačelnika broj: 07-2020/23 od 15.06.2023. godine, Obavještenje o nabavci broj: 761-1-3-18-3-27/23 objavljeno je dana 15.06.2023. godine na Portalu javnih nabavki, a sažetak Obavještenja o nabavci objavljen je u »Službenom glasniku BiH« broj: 45/23 od 23.06.2023. godine.

Procijenjena vrijednost nabavke iznosi 17.104,27 KM (cijena bez PDV-a).

U roku za predaju ponuda koji je određen Tenderskom dokumentacijom (05.07.2023. godine do 10:00 sati) na adresu Ugovornog organa dostavljena je samo ponuda ponuđača JP VODOVOD I KANALIZACIJA „SREBRENİK“ d.d. Srebrenik, broj ponude: 04-1150/23 od 30.06.2023. godine.

U skladu sa članom 63. Zakona o javnim nabavkama, Komisija je u zakazano vrijeme pristupila javnom otvaranju pristigle ponude, o čemu je sačinjen Zapisnik broj: 07-2020/23 od 05.07.2023. godine, koji je elektronskim putem uredno poslan ponuđaču JP VODOVOD I KANALIZACIJA „SREBRENİK“ d.d. Srebrenik. Komisija je zatim pristupila detaljnom pregledu i analizi dokumentacije priložene uz dostavljenu ponudu u smislu provjere njene potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u Tenderskoj dokumentaciji. Tom prilikom komisija je uočila računsku grešku u ponudi navedenog ponuđača, na način da zbir Montažnih radova (str. 6-7), iz Predmjera radova – Okvirini sporazum za provođenje hitnih interventnih radova na vodovodnoj mreži, iznosi 6.096,00 KM (cijena bez PDV-a), a ne 6.040,10 KM (cijena bez PDV-a), i samim tim iznos konačne ponude ponuđača treba da iznosi

17.147,00 KM (cijena bez PDV-a), umjesto 17.091,10 KM (cijena bez PDV-a). Ponuđač je dostavio Saglasnost na ispravku računске greške, broj: 06-1194-2/23 od 10.07.2023. godine, u kojem navodi da je saglasan na ispravku navedene greške.

Na osnovu svega naprijed navedenog, Komisija je konstatovala da je ponuda ponuđača JP VODOVOD I KANALIZACIJA „SREBRENİK“ d.d. Srebrenik kao takva, *neprihvatljiva*, obzirom da je cijena navedene ponude iznad procjenjene vrijednosti nabavke i sredstava obezbjeđenih u budžetu, pa se ponuda odbacuje kao neprihvatljiva, a u skladu sa članom 2. stav 1, tačka 1), alineja 2) Zakona o javnim nabavkama, kojim je određeno da je neprihvatljiva ponuda ona čija cijena prelazi planirana, odnosno obezbijedena novčana sredstva ugovornog organa za nabavku.

Primjenom člana 69. stav 1. tačka b) i stav 2. tačka d) i e), te članovima 38. i 118. Statuta općine Srebrenik („Sl. Glasnik općine Srebrenik“, broj: 1/08) i Privremene odluke grada Srebrenik (Sl. Glasnik Grada Srebrenik, broj: 1/19) odlučeno je kao u tački I. Ove odluke.

#### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).

Dostavljeno:

1. Službi za prostorno uređenje i zaštitu okolice,
2. Ponuđaču
3. Budžetu
- ④ Evidenciji
5. ARHIVI



GRADONAČELNIK

Adnan Bjelić